

des indurare videmus. Quare in eorum fractio-  
ne necessarius est calor suavis, & non ita fortis, in  
quo sit humiditas aliqua, comparando calori, qui  
induravit lapides, & cum subtilitate.

§ 5. coll. 2.

Tandem facultates quædam sunt à partibus  
corporis denominatæ, vt Cephalica, Ophthal-  
mica, Pleuritica, Colica, Stomachica, Hepatica,  
Splénica, Nephritica, Cystica, Hysterica, Arthriti-  
ca. Hæc ad medicamenta, quæ per quartâ faculta-  
tem agunt, referenda esse aliqui volunt: eo quod  
in proprium aliquod membrum aut humorem a-  
gant. Verum cum Galeno t statuimus, medica-  
menta hæc talia non esse, vt tantum vni profint,  
alteri vero nihil: nec talia esse, vt omnibus partis  
affectibus congruant: sed talia dici, quoniam fre-  
quentissime aut maxime in eam partem, à qua  
nomen sunt mutuata, agant. Declarat hoc Gale-  
nus exemplo medicamenti ophthalmici, vt est  
collyrium diarhodon & diapompholygos: hoc v-  
timur in oculorum affectibus, & tamen vti etiam  
licet in aliis, vt affectibus aurium, narium, oris,  
pudendi & ani, non tamen ita frequenter, neque  
tanto cum fructu.

*De Medicamentis quartæ facultatis.*

C A P. X.

a §. coll. 21.

Q Vartæ facultates sequuntur, quæ secundum  
Auerroen a non operantur per primam, se-  
cundam & tertiam virtutem, sed per proprieta-  
tem, quam Medici totam substantiam nominant;  
vel